

Bucuti & Tara ta wordo reconoci pa excelencia

Door di Forbes, US News & World Report, y Booking.com

BUCUTI & Tara Beach Resort, Aruba, ta pone e standard di oro den hospitalidad di luho un biaha mas segun Forbes Travel Guide, US News & World Report y Booking.com.

P'e segundo año consecutivo, e resort exclusivo pa adulto a gana e Forbes Travel Guide Recommended Award. Na mesun momento, e ta sigui mantene su status di excelente como e hotel di Aruba cu e rating mas halto riba Booking.com. Completando e reconocimiento recién aki den hospitalidad globalmente reconoci, Bucuti & Tara ta prolonga su trayecto di excelencia door di haya e prestigioso Gold Badge di U.S. News & World Report den su 2025 Travel Awards. Un biaha mas, Bucuti & Tara a wordo nombra como e Hotel No. 1 di Aruba y ta clasifica entre e Top 25 Resortnan den Caribe.

Bucuti & Tara a wordo nombra como Forbes Recommended den Forbes Travel Guide su 2025 Star Awards

Forbes Travel Guide, e unico sistema di clasificacion global pa turismo di luho, a anuncia su 2025 Star Awards riba 12 di Februari, y pa e segundo año consecutivo, Bucuti & Tara ta gana un Forbes Travel Guide Recommended Award. Forbes Travel Guide ta un autoridad mundialmente reconoci den excelencia di hospitalidad, y Bucuti & Tara ta uni un biaha mas na e prestigioso Star Rating List anual.

“E ganadornan di e Star Awards di Forbes Travel Guide ta un ehempel di excelencia den hospitalidad,” Amanda Frasier, President di Standards & Ratings di Forbes Travel Guide ta bisa. “E lista di e año aki ta sigui refleha e paisahe di luho cu ta evoluciona, cu propiedadnan cu ta pone e standard pa experiencianan autentico mientras ta brinda facilidadnan sin igual, bienestar avansa y momentonan inolvidabel. Nos ta emociona di reconoce nan dedicacion pa crea opcionnan di turismo berdaderamente di clase mundial pa e huesped exigente di awe.”

Conkistando Oro cu US News & World Report

Bucuti & Tara ta sostene e reinado mas largo como Hotel No. 1 y Resort No. 1 di Aruba, segun US News & World Report. E reconocimiento deseabel aki ta resalta e compromiso incansabel di Bucuti & Tara na hospitalidad di clase mundial, servicio personalisa y luho eco-consiente. Como e prome y unico hotel carbono-neutral den Caribe, e resort ta ofrece un experiencia di huesped berdaderamente sin igual na Aruba, combinando elegancia sereno bandi lama cu practicanan di sostenibilidad avansa.

Bucuti & Tara ta honra di por sigui pone e standard di excelencia den e region. Huespednan por spera estadia invol-

idabel caminda relajacion, romanticismo y turismo responsabel ta uni hunto.

Hotel No. 1 di Aruba segun Booking.com

Entre e noticianan di premio, Booking.com a otorga Bucuti & Tara e rating mas halto entre tur propiedadnan na Aruba. Cu un clasificacion consistente di 9.6 for di 10 año tras año, Booking.com Traveller Review Awards 2025 ta clasifica Bucuti & Tara na e nivel di excelente, asina dunando huespednan confiansa den nan seleccion di biahe.



E premionan reciente aki ta un refleho di e dedicacion incansabel di e personal di e resort, sigurando cu huespednan ta disfruta di un di e experiencianan di turismo mas desea den mundo. Na final di Januari, 15 asociado a wordo honra pa nan aniversari-onan. Di e 142 miembronan di ekipo, 53 tin cinco año of mas na Bucuti & Tara, y di nan, 70% a celebra 10 año of mas na e resort.

